

Headline **Negara sasar 21% daging kambing tempatan 2010**  
Date **17. Jun 2008** Language **MALAY**  
Media Title **Utusan Malaysia** Page No **16**  
Section **Dlm Negeri** Article Size **494** cm2  
Circulation **238082** Frequency **Daily**  
Readership **833287** Color **Full Color**



# Negara sasar 21% daging kambing tempatan 2010



SEBAHAGIAN peserta yang berjaya menamatkan Bengkel Keusahawanan Kambing bersama *Mega-Utusan Malaysia* di Sepang Sabtu lalu.

Oleh THOMAS CHONG

Headline Negara sasar 21% daging kambing tempatan 2010  
Date 17. Jun 2008  
Media Title Utusan Malaysia

**SEPANG** 16 Jun - Malaysia dijangka mampu mencapai sasaran menghasilkan sebanyak 21 peratus daging kambing tempatan menjelang tahun 2010, kata Timbalan Ketua Pengarah (Pembangunan) Jabatan Perkhidmatan Veterinar, Dr. Ibrahim Che Embong.

Beliau berkata, sasaran itu mampu dicapai berdasarkan populasi kambing di negara ini meningkat secara drastik sejak tiga tahun lepas.

"Buat masa ini, penternak kambing tempatan hanya menghasilkan sembilan peratus daripada keperluan daging kambing di negara ini dan bakinya diimport dari luar negara.

"Sasaran kami ialah jumlah itu mencapai 21 peratus menjelang tahun 2010 dan saya yakin ia dapat dicapai" katanya kepada *Utusan Malaysia* selepas merasmikan bengkel usahawan kambing *Mega-Utusan Malaysia* di Inap Desa Banghurus dekat sini kelmarin.

Seramai 150 peserta menghadiri bengkel selama dua hari tersebut yang dianjurkan bersama Perfect Agro Sdn. Bhd., Agro Bank dan Pusat Pengembangan, Keusahawanan dan Pemajuan Profesional (APE-EC), Universiti Putra Malaysia (UPM).

Menariknya, peserta yang terdiri daripada pelbagai kaum akan menginap bersama keluarga angkat di Inap Desa Banghurus sepanjang bengkel itu dijalankan.

Beliau berkata, buat masa sekarang, kebanyakan daging kambing diimport dari Australia, New Zealand, China, Thailand dan Indonesia.

"Kambing diimport menggunakan dua cara iaitu mengimport daging yang dibekukan dan mengimport kambing hidup yang akan disembelih di negara ini," katanya.

Ibrahim berkata, rakyat digalakkan menternak kambing kerana ternakan itu menjanjikan pulangan yang lumayan ke-

pada penternaknya.

"Penternak boleh mendapatkan keuntungan dengan menghasilkan baka kambing untuk dijual atau menyembelih kambing yang dibela untuk hasilkan daging.

"Selain itu, penternak juga boleh menga-

jar orang lain bagaimana menternak kambing seperti yang dijalankan *Mega-Utusan Malaysia* dengan rakan strategiknya pada hari ini," katanya.

Beliau berkata, kerajaan pada masa yang sama menggalakkan rakyat menternak

kambing secara sepenuh masa.

"Kira-kira 65 peratus penternak mengusahakan ternakan kambing secara sambilan dan saya berharap lebih ramai akan menternak secara sepenuh masa," katanya.